



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 56. Sessio VI. Charisii Libellus.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

*bus defunctus sum; nam testis sit mihi Deus! tunc, quando ad Imperatoris conspectum vocatus fui, nihil magis certum existimabam, quam me in mare præjiciendum.* Hæc Comitissæ Irenæi epistola est. Ultima, quam retulimus, quorundam sententia vicit, & Joannes Comes, Largitionibus, seu ærario Præfectus Ephesum missus.

Sæculum V.  
A C 431.

## §. LVI.

*Sessio sexta. Charissi Libellus.*

Joanne Comite in itinere agente, Concilium Sessionem sextam in Domo Episcopali Memnonis, undecimo Kalendas Aug. seu 28va Epiphi, id est, 22da Julii, celebravit. S. Cyrillus tanquam Papæ Vicarius, præerat; Sacræ Sedis Legatorum nomina demum post omnes Episcopos visuntur. Petrus, Presbyter Alexandrinus, & Notariorum Primicerius, dixit: *Sacrum Concilium, volens fidei, & paci Ecclesiarum providere, fidei definitionem proposuit, quam in manibus habemus; jussit Concilium, ut legeretur, & Actis infereretur.* Primo positum erat Symbolum Nicænum, additis verbis: *hæc illa est sancta fides, quam totus orbis credere tenetur, quia universæ Ecclesiæ, quæ sub cælo degit, utilis est, & sufficit. Quia tamen sunt, qui banc confiteri simulant, ejus autem sensum pro cerebri sui luxuria expli-*

*Edit. Mer-  
cat. ap. Ba-  
luz. p. 610.*

*expli-*



Sæculum V.  
A.C. 431.  
*explicant, necessarium fuit, ut Patrum Orthodoxorum sententiæ explanarentur, & monstraretur, quo sensu banc fidem acceperint, & prædicaverint, & quo sensu omnes illi, cujus fides pura est, & integra, eandem intelligere, explicare, & prædicare teneantur. Petrus Presbyter dixit: in manibus habemus libros Sanctorum Patrum Episcoporum, & Martyrum, ex quibus aliquos articulos excerpimus. Jussit Concilium, ut legerentur, & actis infererentur. Iidem fuerunt textus, qui in prima Sessione, in qua Nestorius damnatus, prælecti.*

*Sup. §. 48.* Post hæc Charisius, Ecclesiæ Philadelpheicæ in Lydia œconomus, ad Concilium detulit, quosdam illius Provinciæ Hæreticos, cum Doctrinam Ecclesiæ Catholicæ edoceri cupiissent, in peiores prioribus errores prolapsos; nam Presbyteri duo, quibus nomina Antonius, & Jacobus, cum epistolis commendatitiis Anastasii, & Photii, etiam Presbyterorum, qui tunc Nestorio adhærebant, e Civitate Constantinopoli advenerant, exhibitis his epistolis Jacobus, & Antonius, tanquam Catholici, ab Episcopis Lydiæ recepti, illis Hæreticis, qui conversionis desiderio tenebantur, fidei expositionem subscribendam obtulerant, impiis erroribus refertam. Ut clarius, quæ vellet, cognoscerentur, Charisius querelam scriptam additis Hæreticorum expositionibus,

*Charisius.*



nibus, & illorum, qui decepti fuerant, subscriptionibus, Concilio tradidit. In hoc libello solus Presbyter Jacobus accusabatur, qui Philadelphiam veniens, multis hominibus rudibus, etiam Clericis imposuerat, ita ut suis litteris testimonium dicerent, Jacobum esse Catholicum, Charisium vero, tanquam Hæreticum Communione Ecclesiæ, & suis functionibus indignum pronuntiarent. Sub hujus libelli finem Charisius fidei suæ Confessionem, quæ cum Nicæna concordabat, apposuit.

Postea lecta est Hæretica fidei expositio, cujus exordium erat: *Qui in Doctrina Ecclesiæ exacte erudiri cupiunt, aut a qualicumque Hæresi converti, præprimis sciant! quod credamus in unum Deum Patrem, æternum & cœtera.* Mysterium Trinitatis satis bene explicabatur, at de Incarnatione dicebant: *non dicimus duos Filios, aut duos Dominos, cum unicus sit Filius per Essentiam, Deus Verbum, Filius Patris unicus, cui homo conjunctus, & Divinitatis particeps factus, etiam Nomen, & honorem Filii participat. Deus Verbum etiam per Essentiam Dominus est, & iste eidem conjunctus etiam ejusdem honorem participat. Hinc non dicimus duos Filios, aut duos Dominos propter inseparabilem conjunctionem Verbi cum illo, quem nostræ Salutis causa assumpsit, quæ conjunctio*

Sæculum V.  
A. C. 431.

p. 677.

ctio



Sæculum V. Etio assumptum modo singulari Filium su  
 A.C. 431. cit, & longe perfectiori, ac illo, quo  
Filii Dei nominamur. Dicimus igitur  
 unicum esse Filium, & Dominum Jesum  
 Christum, intelligentes principaliter Deum  
 Verbum, & cogitatione jungentes, quod  
 assumpsit, nempe Jesum Christum a No  
 zareth. Hujus Expositionis hic erat Epi  
 logus: Hæc est Doctrina Ecclesiæ. Qui  
 cunque aliud cogitat, anathema sit! Qui  
 cunque pœnitentiam salutarem non reci  
 pit, anathema sit! quicumque Pascha jux  
 ta præscriptum Ecclesiæ Catholicæ non ce  
 lebrat, anathema sit! ultima duo anathe  
 mata illorum Hæreticorum causa posita  
 erant, qui adduci ad sinum Ecclesiæ de  
 bebant, scilicet Quartodecimani, aut No  
 vatiani.

Nestorii  
 Hæresis.

Viri numero viginti, & unus sub  
 scripserant in hunc modum: Ego Budius  
 filius Vinici ex Philadelphia, Quartodeci  
 manus, postquam veritatem fidei orthodoxæ  
 agnovi, & Episcopum Theophanem rogavi,  
 ut me reciperet, ad S. Ecclesiam Catholi  
 cam perveni, & omnes Hæreses, præsertim  
 Quartodecimanorum, in qua fui, anathe  
 matizo; in fidei expositionem, supra posi  
 tam, consentio, omnes illos anathematizans,  
 qui Pascha cum Sancta Ecclesia Catholica,  
 & Apostolica non celebrant. Hoc per San  
 ctam Trinitatem, per Pietatem, & Victo  
 rias Imperatorum Theodosii, & Valenti  
 niani



niani juro! & si contra fecero, severitati  
 Legum me subjcio. Cum illa expositio  
 mihi fuerit prælecta, manu Senatoris He-  
 sychii subscripsi, quia ipse litteras nescio.  
 Hesychius iste deinde suo nomine etiam  
 in eundem modum subscripsit. Aliqui no-  
 mine suo, & totius familiæ suæ subscripse-  
 re. Aliqui, inter quos etiam est Presby-  
 ter, nomine Patritius, nescire se litteras  
 formare fatentur.

Sæculum V.  
 A.C. 431.

p. 668.

Hac Lectione audita, prohibuit Con-  
 cilium, ne quæ alia fidei Professio, quam  
 Nicæna, vel proponatur, vel scribatur,  
 & decrevit, ut si qui aliam a Paganismo,  
 Judaismo, aut quacunque Hæresi con-  
 verti volentibus proposuerint, si Episco-  
 pi sint, aut Clerici deponantur, si Laici  
 anathematizentur. Rursus si quis Epis-  
 copus, aut Clericus deprehendatur cre-  
 dere, aut docere illos errores, quos ex-  
 positio fidei, a Presbytero Charisio de  
 Incarnatione Filii Dei relata, continet,  
 aut perversa Nestorii dogmata, hic ad-  
 juncta, talem Concilium damnat, & ju-  
 dicat deponendum, Laicos autem ana-  
 themate percutiendos, ut supra di-  
 ctum est. Relecta deinde extracta ex  
 libris Nestorii, primæ Sessioni inserta,  
 & ita Sessio Concilii sexta finem accipi-  
 Hanc expositionem fidei, quæ damnata,  
 Theodorus Mopsuestenus scripserat, post-  
 modum etiam a Mario Mercatore refu-  
 tatam.

Sup. §. 41.

Edit. Gar-  
 ner. p. 250.

§. LVII.



Saeculum V.  
A. C. 431.

§. LVII.

*Episcoporum ex Cypro postulatio.*

*Conc. Ephes.*  
p. 787.

Septima, & ultima Sessio Concilii Ephesini in Ecclesia S. Mariæ ultima die Julii celebrata; ita legi oportet, quamvis in actis ultima Augusti ponatur, nam, postquam Comes Joannes advenit, Patres ultra congregati non sunt. In hac septima Sessione Reginus, Episcopus Constantiæ in Insula Cypro, suo & aliorum duorum Episcoporum Zenonis, & Evagrii nomine, Libellum Concilio obtulit. Querebatur, a Clericis Ecclesiæ Antiochena libertatem, quam jure possessionis obtineret, sibi imminui. S. Epiphano, Constantiæ Episcopo, & Cypri Metropolita, Sabinus successerat, & Sabino Troilus; Isto defuncto Joannes Antiochenus, Insulam Cypri Sedi suæ Patriarchali subiectam causatus, a Dionysio, Duce Orientis, duas epistolas obtinuerat, unam ad Theodorum, Cypri Prætorem, alteram ad Urbis Constantiæ Clericos directam; utraque prohibebat, ne Constantiæ Episcopus eligeretur, donec hac super re Concilium Ephesinum pronuntiaffet. Hac prohibitione non obstante, Reginus ordinatus fuerat. Hoc libello, & duabus Dionysii Ducis epistolis prælectis Concilium dixit, ut Episcopi ex Cypro causam suam clarius exponerent.

p. 800.

Episco